



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77 հեռ. 010 51-29-53

N 4/2680

10.05

2023թ.

Նվեր Սարգսյանին

Հասցե՝ Գեղարքունիքի մարզ, ք. Վարդենիս, Խանջյան փող., 3-րդ նրբ., տուն 7

Ուղարկում եմ Ձեր դիմումի հիման վրա հարուցված վարչական բողոքարկման վարույթի ընթացքում վարչական իրավախախտման վերաբերյալ գործով 22.03.2023թ. կայացված թիվ 8300501024 որոշումը բեկանելու և վարչական իրավախախտման վերաբերյալ գործի վարույթը կարճելու վերաբերյալ որոշումը:

Առդիր՝ << 3 >> թերթ

**Պերի պարտականությունների
ժամանակավոր կատարող
ոստիկանության գնդապետ՝**

Ա. Մաթևոսյան

Կատ. Գ. Ավետիսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 22.03.2023թ-ին կայացված 8300501024 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<27>> 04 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Նվեր Սարգսյանի (Ծանուցման հասցե՝ Գեղարքունիքի մարզ, ք. Վարդենիս, Խանջյան փող., 3-րդ նրբ., տուն 7) (Այսուհետ՝ դիմող) 28.03.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

22.03.2023թ-ին՝ ժամը 05:07-ի սահմաններում, Գեղարքունիքի մարզի Վարդենիս քաղաքի, Երևանյան փողոցում դիմողի վարած <<Գազ 31105-120>> մակնիշի 68 00 700 հաշվառման համարանիշի տրանսպորտային միջոցը կանգնեցրել է պարեկային ծառայության Գեղարքունիքի մարզի գումարտակի պարեկ Արման Մանուկյանի կողմից՝ <<Ճանապարհային երթևեկության անվտանգության ապահովման մասին>> ՀՀ օրենքի 18-րդ հոդվածի 1-ին մասի <<ե>> ենթակետի պահանջները խախտելու համար և ՀՀ օրենսգրքի 128-րդ հոդվածի 4-րդ մասի համաձայն՝ կայացվել թիվ 8300501024 որոշումը՝ վերջինիս տուգանելով 10.000 ՀՀ դրամ:

Դիմողը 28.03.2023թ.-ին դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 22.03.2023թ. կայացված թիվ 8300501024 որոշումը՝ մասնավորապես նշելով, որ ունի ուժի մեջ գտնվող վարորդական իրավունքի վկայական:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու

հնարավորություն տալու նպատակով դիմողին ուղարկվել է ծանուցում վարչական լսման օրվա և ժամի վերաբերյալ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական ակտը ենթակա է բեկանման՝ հետևյալ պատճառաբանությամբ.

ՀՀ ՆԳՆ ոստիկանության պարեկային ծառայության ծառայող Արման Մանուկյանի կողմից տրված պարզաբանման համաձայն 22.03.2023թ.-ին՝ ժամը 05:07-ի սահմաններում, Գեղարքունիքի մարզի Վարդենիս քաղաքի, Երևանյան փողոցում <<Գազ 31105-120>> մակնիշի 68 00 700 հաշվառման համարանիշի տրանսպորտային միջոցը սահմանված կարգով կանգնեցնելուց հետո նույնականացման միջոցով պարզվել է, որ վարորդ Նվեր Սարգսյանն տրանսպորտային միջոցն վարում է ուժը կորցրած վարորդական իրավունքի վկայական: Ինչի արդյունքում կազմվել է վարչական իրավախախտման վերաբերյալ արձանագրություն և կայացվել է որոշում:

Ուսումնասիրելով դիմողի կողմից դիմումին կից ներկայացված վարորդական իրավունքի վկայականի պատճենը, ինչպես նաև ՃՈ էլեկտրոնային ռեգիստրում առկա տվյալները, պարզ է դառնում, որ Նվեր Սարգսյանը ունի ՀՀ ՃՈ կողմից 03.11.2022թ.-ին տրված գործող թիվ RL758611 վարորդական իրավունքի վկայական:

Վերոգրյալից պարզ է դառնում, որ պարեկային ծառայողի կողմից կազմվել է վարչական իրավախախտումների վերաբերյալ արձանագրություն և կայացվել թիվ 8300501024 որոշումը օրենքի խախտմամբ:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման եթե բացակայում է վարչական իրավախախտման դեպքը կամ կազմը:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված

բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով, ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 22.03.2023թ. կայացված թիվ 8300501024 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Գեղարքունիքի մարզի գումարտակ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

**Պեպի պարտականությունների
ժամանակավոր կապարող
ոստիկանության գնդապետ՝**



Ա. Մաթևոսյան